

東流縣志卷之十八

安徽池州府東流縣知縣

吳旻修

良吏傳

晉

陶潛字元亮大司馬侃之曾孫也祖茂武昌太守潛少懷高尚博學善屬文穎脫不羈任真自得爲鄉鄰之所貴嘗著五柳先生傳以自况親老家貧起爲州祭酒不堪吏職少日自解歸州召主簿不就躬耕自資遂抱羸疾復爲鎮軍建威參軍謂親朋曰聊欲絃歌以爲三徑之資可乎執事者聞之以爲彭澤令在縣公田悉令種

東流縣志

卷之六

良吏傳

一

秫穀曰今吾常醉於酒足矣妻子固請種秔乃使一頃五十畝種秫五十畝種秔素簡貴不私事上官郡遣督郵至縣吏白應束帶見之潛歎曰吾不能爲五斗米折腰拳拳事鄉里小人邪義熙二年解印去縣乃賦歸去來其辭曰歸去來兮田園將蕪胡不歸旣自以心爲形役奚惆悵而獨悲悟已往之不諫知來者之可追實迷途其未遠覺今是而昨非舟遙遙以輕颺風飄飄而吹衣問征夫以前路恨晨光之希微乃瞻衡宇載欣載奔僮僕來迎稚子候門三徑就荒松菊猶存携幼入室有酒盈樽引壺觴以自酌眄庭柯以怡顏倚南牕以寄傲

審容膝之易安園日涉而成趣門雖設而常關策扶老而流憩時矯首而遐觀雲無心而出岫鳥倦飛而知還景翳翳其將入撫孤松而盤桓歸去來兮請息交以絕游世與我而相遺復駕言兮焉求悅親戚之情話樂琴書以消憂農人告余以暮春將有事乎西疇或命巾車或棹孤舟既窈窕以尋壑亦崎嶇而經邱木欣欣以向榮泉涓涓而始流善萬物之得時感吾生之行休已矣乎寓形宇內復幾時曷不委心任去留胡爲乎遑遑欲何之富貴非吾願帝鄉不可期懷良辰以孤往或植杖而芸耔登東隼以舒嘯臨清流而賦詩聊乘化而歸盡

東流縣志

卷之十八

良吏傳

二

樂夫天命復奚疑頃之徵著作郎不就以宋元嘉中卒

年六十三

節晉書本傳按顏延年陶徵士議云實以議華名由謚高苟允德義貴賤何算焉若其寬

樂令終之美好廉克一已之操有合謚典無愆前志故詢諸友好宜謚曰靖節徵士

祀名宦祠

宋

汪奕字公偉績溪人哲宗初復詞賦取士奕試第三與弟襄同登第爲東流令有書生上書觸冒時忌上官欲置之極形奕以爲狂疾宜寬其罪奏上果貸死上官以書謝曰微君吾幾陷失入祀名宦

大清一統志江南通志引南畿志府志攷

獻志並同

明

楊季芳番禺人成化間舉進士除東流令單車至官覲
豪強者置諸法民皆畏服值歲飢既徧賑又察鬻子女
者爲贖還之祀名宦江南通志同
府志並同

向錦慈谿人宏治間由進士來令東流政尙平易庭可
張羅去官後民追思之祀名宦府志同

李渾慈谿人正德間以進士授東流令值寧庶人叛沿
江騷擾無停役加意撫綏不事箠楚始修縣志文獻犁

然歷遷太僕寺丞邑人爲遺愛碑以頌之祀名宦府志同

余初字復之號南山淳安人嘉靖初以舉人知東流縣
恩威並行值編審爲均里甲平徭役宿弊悉釐民感其
東流縣志 卷之十八 良吏傳 三

德立祠繪像以奉之邑人柯燁爲輯遺愛錄祀名宦江南通志同府志並同

陸芹餘姚舉人嘉靖二十三年令東流慈祥廉慎興學
作士以神山外向改名拱北立碣以鎮秩未滿卒於官

祀名宦府志同
鍾大賓字體嘉號嶺吾曲江舉人嘉靖中令東流有長

才修廢舉墜量田平賦遷鞏昌通判去之日民立祠以
祀之祀名宦江南通志同
府志並同

呂復衛輝人洪武中以國子生來任典史能勤其事善
撫民擢工部郎中歿祠名宦明一統志江南通志引
南幾志同府志並同

史鏞象山人嘉靖中以諸生來任訓導博學惇行勤於造士爲士大夫所推重邑令余初尤敬之時政利弊

多咨焉卒於官遠近痛惜諸生咸服心喪祀名宦府志同

杜巽巴人成化中以舉人署教諭事學問純正敷教有

方士多賴以成祀名宦府志同

謝明番禺人正德中以舉人來署教諭持身清正敷教

勤懇士多成就嘗校四川鄉試輯本縣志後陞上杭令

去之日諸生莫不流淚祀名宦府志同

章唐黃巖人成化中以舉人署訓導事性醇行篤文學

優長訓誨士子不吝提覺一時士風丕變焉祀名宦府志

東流縣志 卷之六 良吏傳 四

同

蕭珮江西新淦人宏治中由舉人授東流令勤於政治

改建學宮又嘗於通津門外築堤栽柳護縣治至今稱

爲蕭公堤府志同

鄭佶號印溪黃陂人進士嘉靖末謫授邑令興利革弊

講學訓士威德並行官厯尋甸太守

陳春字同宇浙江仁和人萬厯初以舉人授邑令始建

城爲國藩屏爲民保障其他興利除弊之政無不備舉

遷工部主事去

劉鈐湖廣宣城人萬厯七年以恩貢授東流令治事勤

能存心清慎嘗闢縣治街衢發之以石設立社倉積穀
備賑東人賴之尋以清丈田畝有功委文銅陵縣田畝
陞任去府志
同
蔣承勳浙江臨海舉人萬曆二十五年來知縣事政尙
風厲清廉愛民舊例里縣民催科必以朔望集縣有妨農
務乃革之設簿限期繳如期完者免至縣小民得以休
息後令多宗之任六年陞邵武郡丞

高射斗陝西寶鷄舉人萬曆間來知縣事政多聰察清
而能斷嘗建興文閣於祝家磯歷官楚雄府知府

楊喬春福建同安舉人萬曆三十年來知縣事清白愛

東流縣志

卷之六

良吏傳

五

民居官廉潔俸入不能自給常稱貸以濟去官之日歸
鬻恒產償之陞平度州民立祠以祀

李希衛字大檀雲南舉人莅事勤敏清而能斷天啟間
任縣事四年以憂去民不忍忘建祠祀之歷官戶部主
政

余若南字郁六河南衛輝人崇禎己巳由舉人來任縣
事理繁治劇不畏強禦凡邑人之爲所見者輒識不忘
人不敢欺尋遷南京兆司理凡兩奉檄飭至邑盤查父
老稱觴送迎不忍釋官至龍安知府

許茂莘福建龍溪人崇禎間以進士來知縣事渾厚愛

民時無苛政嘗增築城垣以爲民衛尋調旌德令歷寧國同知府志

周燭新浙江臨海人選貢辟舉來任縣事持躬俊爽治事清閒時值歲歉賑饑恤民民多賴之尋以憂去

乾曰貞四川成都人由舉人來任縣事米俱載自蜀中不繁不苛與民休息嘗賑饑數月盡出捐俸與邑士周師文爲忘勢交論文講學不可稍干以私尋以憂去士民立碑紀之

顏祿壽字天被湖廣巴陵人宏治中以安慶同知署縣事政通人和自持以素於縣治東大路栽松數十里以

東流縣志

卷之十八

良吏傳

六

蔭行者後成茂林人號爲引路松

傅國材浙江舉人萬曆中任本府同知清廉自持兩署縣事僅製葛衫一領而已

沈雲從浙江桐鄉人崇禎初由舉人任本府同知爲政寬猛相濟時流寇自涇起闖入諸縣境內詳請勦之一

舉皆擒寇盜遂息尋攝縣事匝月案牘皆清府志

沈繩芳浙江嘉禾人選貢任本府判崇禎間攝縣事豈弟慈祥去之日民建祠祀之

張問知山西人崇禎間以本府司理攝縣事廉能耿直卒於官

程九萬湖廣人崇禎十七年由選貢任州守謫本府知事來署縣篆月餘楚兵破城死之

大清一統志江南通志並同

祝文貴洪武初來任縣丞時儒學被兵燹傾圮莫洽乃重立於縣治東廣文教嚴士習邑人德之

府志同

徐希亮任典史勤勞著績熹宗時分建三藩每藩之國舟過江城民夫任役者恒千餘人督慰多方民忘其苦廖暉廣西桂林舉人正德中署教諭事文行足以式士教化足以興賢以成進士入翰林

湯有光上元舉人萬曆中署教諭造士有方聘校鄉試出其門者皆名雋人艷稱之歷遷瑞州知府

府志同

東流縣志

卷之十八

良吏傳

七

易時中福建泉州人嘉靖中由舉人來署教諭學問優長造士有方陞夏津縣知縣

汪時濟歙縣人占雲南籍以舉人署教諭敷教以寬接士以禮尋以憂去

沈聖揆興縣舉人崇禎中任教諭勤於課士嚴於論文詩酒之間自饒風韻尋任都察院司務

賈域歲貢生崇禎十七年來任教諭楚兵破城全家殉節

府志同

于國顯崇禎十七年來任訓導於莊自持和易接物到任數月楚兵破城全家殉節

以上二人未詳里居府志同

國朝

蘇宏謨遼東金州人順治六年以貢生來任邑令有強力善撫凋敝凡城垣廨舍學校倉廩皆修建而兵馬往來舊無驛遞出里甲供應宏謨力請于掾撫李公爲撥徽寧所轄六縣銀兩爲協濟之用復以餘銀買民田收其稻以養馬及後設官驛始停協濟而馬田至今存焉又創修縣志在任六載遷湘廣長沙同知歷貴州按察使士民思之不忘刻石紀德其詞曰竊聞德之入人深者雖愚必感澤之被物遠者雖久弗諼况尹茲殘土父母斯民出乎湯火之中加之衽席之上集於流離之後

東流縣志

卷之六

良吏傳

八

錯以安全之謀夫孰德而勿歌勿咏也哉是以古昔聖王凡里巷謳謠在所不禁何則其身受利病者旣真則其心懷美譏者必摯任之所以達下情風上治耳我蘇侯初蒞吾東邑也民散未復時維孔艱侯擊楫而來矢心自盡凡一有愛人之舉必曰此余職也爾等戒勿稱積之兩朞而政備矣德之入人深而澤之被物遠矣侯猶厲精未艾戒民勿稱如疇昔雖然戒之誠是也顧吾儕小民以響其利者爲有德計自今雖欲承侯之心遵侯之諭勿稱而不可得且也勿稱於今而固已行於今侯之令聞不因是而滅勿稱於今而無昭於後東人之

永圖不因是而忽乎抑吾儕尤有聞於此民牧之難非
牧民之難也牧民於旣凋之日與牧民於方復之秋之
爲難也方

聖天子定鼎中原南方初服瀕江氍毹戎事日騷而我
東流則以乙酉兵炬之慘較諸邑爲更甚雖經前侯屢
招而金逆一起驚竄復然非有仁聲覃被未易來集此
一難也侯至而惻然憫之多方恩諭城市之間不旬日
而僦居者數百家可勿稱歎迄夫離散旣聚大兵日經
亡命健兒驅市人如虎浸假如前侯過之民有却走耳
此非又一難乎侯則躬爲調馭捐已貲以犒衆入戎壘

東流縣志

卷之十八

良吏傳

九

而制師恩威所至莫不震壘數年安堵疇庇之歎不可
勿稱也不寧惟是邑小而衝京省之差時至事繁而瘠
徵派之額日加開墾不聞而追呼方甚受屢未定而徭
役又興爲之民者趨之不能避之不可爲之主者惜之
不敢忍之不安藉令拘牽文義之儒當此有進退維谷
而已矧彼貪賄恃暴繭絲吾民者哉此則難之不啻干
百者也侯乃四知日凜三善克臻凡有綢繆率捐資竭
力以保障之凡有疾苦必申詳躬請以周卹之而興學
興行招農招商免贖緩清獄訟嚴私派革陋規一切撫
綏誠悃無所不至固前侯之所難知難行而吾儕之所

難期難見者也雖欲勿稱安能勿稱善乎宋藝祖之言曰洞開重門如見我心侯之所以厯諸艱而無難者豈惟其才足以勝哉蓋由其心光明洞達無一毫私曲故人皆得而仰之爲德爲民合上下而成慕也夫稱之則必壽之壽之則先誌之月維秋季營室其中凡德澤之可銘於後將禱祀乎萬禩者咸於是乎建之侯之德深而澤遠及今不爲永圖以建祠勒石焉後將安式雖然未可遽以白侯去秋合邑有建祠之議矣侯聞而方止且厲聲曰余戒爾等勿稱何相悖至此茲舉也侯聞之必復止之是終不獲稱矣吾儕其自行之盍自記之侯

東流縣志

卷之十八

良吏傳

十

諱宏謨字純武遼東遼陽人其實心實政不勝指敬綱舉三十款列於碣之左一招撫遺黎一調御過兵一嚴禁火耗一不派里排一不取行戶一不行罰贖一捐資賑饑一詳請開銷一稅契無私一停徵舒民一墾闢荒蕪一徵兌便民一裁減冗役一不留獄訟一嚴禁關節一酌買官田一公均里甲一親理馬務一修理鬻官一敦礪士氣一捐資營建一嚴飭胥吏一補葺城垣一嚴行保甲一捐資修志一豁免所銀一詳請興革一痛革八到一卹養貧苦一添舟濟涉

府志同
祀名宦

鄭國印康熙十八年任邑令嚴明肅穆辭色不稍假利

弊無不興革士民懷德畏威嘗捐俸置田以葺武廟至今戶名鄭助關

陳如升字龍昭直隸豐潤人康熙二十四年以例貢來知縣事賢能有爲廉靜寡慾每聽民訟多方勸息接見紳士恭遜有禮士民頌之

郭鴻文號大士開州舉人康熙二十八年任邑令剛正不阿惠愛羣黎一切興革判斷無不適中民隱以疾卒於官士民感恩不忘爲像以祀知府李顏其祠曰流風善政府志同

劉應熙南陵人康熙三十三年任教諭凡八年潔已愛

東流縣志

卷之十八

良吏傳

士

士教育諄誠尤善獎拔士類化移鄉里陞山西壽陽知縣去邑人刊立去思碑攀轅送之府志同

譚閻言號瀧山廣東羅定州人由貢生任邑令清正廉能愛民重士見紳耆必詢問閻疾苦發奸摘伏動若有神胥吏不能欺亦不忍欺也嘗捐俸置田四畝竒以祠陶靖節在任三載卒於官士民爲祠祀之府志同

郭志道號魯亭湖廣漢陽人康熙五十三年以教職任縣令才能明敏敷政有法歲饑極力請賑活全甚多民立祠以祀行取陞貴州清吏司主事府志同

周疆字與封錢塘人康熙間任池州府同知攝東流縣

事葺學宮修文教有政聲見府志

張叔珽號郝嘯湖廣漢陽人由徽州同知來署邑事愛

民勤政廉潔無私捐解積欠蘆課一千餘兩銅筋銀二

百餘兩焚所積欠冊遇寒紉絮以給貧者建官橋築堤

植柳至今頌之府志同

李天柱字石峰號曉麓湖廣善化人康熙五十八年由

舉人任縣令尊賢重士潔已愛民為政清慎公平與民

休息雍正元年詳請改建學宮並建太白書樓於菊江

亭邑人比之召杜既陞信陽州守士民攀留奉其名位

祀於青蓮座右越五年途出縣境百姓聞之爭相餉遺

東流縣志 卷之十八 良吏傳 三

凡十日牽輓行舟幾不能去府志同

陸培字南香浙江平湖人由進士來知縣事工文進邑

之士而課之為定其甲乙邑之士奉若師焉

徐文烟號電岩浙江嘉善人以進士任縣事文才敏瞻

識見精明士民戴之卒於官

萬紹熙字皞亭福建晉江舉人乾隆九年來任邑令清

慎勤明甫蒞任即修學官為坊于學之左右挑浚儒林

滿河捐築港口河堤倡建祝家磯天然塔開設天然書

院培植文風士民感激以勤政卒官府志同

郭維字秉鈞直隸武強舉人任邑令慷慨果毅公正無

私

私蒞政四年案無積牘敦尙文學捐建菊江書院捐解
舊欠馬稱二百八十餘石調任靈璧士民遮道焚香涕

泣不忍舍府志同

張而化天長歲貢乾隆元年任訓導和平樂易不偽不
欺教育多士潔已真誠合邑愛戴移疾致仕邑人送之
者數百人

胡連上元副貢任績溪教諭失期降訓導乾隆九年來
任存心坦率倜儻不羈同官樂其和易多士沐其裁成
歿于官以上舊志

蔣綬字若齋湖南益陽人乾隆十九年以舉人來任縣

東流縣志 卷之十八 良吏傳 三

事舉廢剔弊百姓德之舊有天然書院在祝家磯距城
遠肄業者多謂未便而菊江書院邇西城又市廛喧
之所也乃與邑士籌移於北仍名菊江日課督之一時
士風稱盛又設和義局以恤貧乏又以爲爲政者必審
境之山川道里戶口建置沿革興廢此數者莫備於志
志不具不可以爲政於是博採蒐討因舊志而增益之
凡二十六卷至今資考證焉府志同
林一彪福建人乾隆三十二年來署縣事值水災詳請
賑恤多方以安民之被災者民咸德之去之日相率具
儀衛餞送者數十里不絕

鄒宏贊江西廬陵人乾隆四十一年來任縣事管子石下有新漲傳薪官洲長四十餘里地與彭澤界互相揭控迄無定歸邑士金臺等呈請爲書院之資君乃叠詳上官會同彭澤縣勘驗斷自管子石以上歸彭澤以下歸東流爲菊江書院膏火訟以息士民頌焉

王超度河南商邱人乾隆四十四年以廩貢生來任縣事未幾以憂去民至今思之

甯汝欄安徽阜陽人拔貢生乾隆四十五年來任教諭事邑人有侵學基者具詳上官仍歸於學在任五年士受其益

東流縣志

卷之十八

良吏傳

西

陸壽昌江蘇陽湖人乾隆五十五年以舉人來任訓導事時學宮久不修且正殿與崇聖殿不相屬乃倡捐整葺之貢生孫繩祖首捐白金百兩鄉鎮並樂輸事以舉董其事者監生陳啟沃鄒順昌楊維裕職員陳應濤也工將竣而費竭監生張正灝繼成之君爲人勇且潔爲文亦然訓誨士子娓娓不倦有以疑難叩者罔勿荅也乾隆五十七年池郡考棚圯東流士人願修之而徵費不至君慨然自任人知君之與其事也乃畢集乾隆五十八年自任赴禮部試中式第十三名以知縣用未及遷改卒於官